

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-22987-1/13.
Zenica, 05.11.2013. godine

Z A P I S N I K
sa 132. sjednice Vlade Zeničko-dobojskog kantona održane 04.11.2013. godine

Sjednica je održana u sali 109, prvi sprat u zgradi Kantona, dana 04.11.2013. godine u trajanju od 8⁰⁰ do 8²⁸ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Romana Brkić, ministrica Ministarstva za pravosuđe i upravu,
3. Sabina Heljić, ministrica Ministarstva finansija,
4. Rifat Delić, ministar Ministarstva unutrašnjih poslova,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Edin Terzić, ministar Ministarstva za prostorno uređenje, promet i komunikacije i zaštitu okoline.
9. Nedžad Lokmić, ministar Ministarstva za boračka pitanja,
10. Amir Abazović, pomoćnik ministra u Ministarstvu za privredu.

Sjednici su prisustvovali i:

1. Haris Hrgić, pomoćnik sekretara Vlade,
2. Kadić Mirsad, sekretar Sekretarijata za zakonodavstvo,
3. Ivica Mandura, savjetnik Premijera Zeničko-dobojskog kantona,
4. Jasminka Ahmetpahić, viši stručni saradnik za poslove informisanja u Uredu premijera,
5. Alma Hrnjić, zapisničar.

Premijer je stavio na diskusiju predloženi

D N E V N I R E D :

1. Amandman Emine Huseinspahić, poslanice u Skupštini Zeničko-dobojskog kantona, podnesen na Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, sa Prijedlogom Zaključka o neprihvatanju;
2. Amandman I. Kluba poslanika Stranke demokratske akcije podnesen na Prijedlog Zakona o izmjenama Zakona o pripadnosti javnih prihoda na području Zeničko-dobojskog kantona, sa Prijedlogom Zaključka o neprihvatanju;

Članovi Vlade su se usaglasili sa predloženim dnevnim redom, tako da je za sjednicu jednoglasno usvojen isti.

Prva tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali; Premijer Zeničko-dobojskog kantona, ministrica Ministarstva zdravlja, ministar Ministarstva za obrazovanje, nauku, kulturu i sport, ministar Ministarstva za prostorno uređenje, promet i komunikacije i zaštitu okoline i ministar Ministarstva za poljoprivredu, šumarstvo i vodoprivredu.

Vlada Zeničko-dobojskog kantona je jednoglasno donijela Zaključak kojim se ne prihvata Amandman poslanice u Skupštini Zeničko-dobojskog kantona Emine Huseinspahić, podnesen na Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, kojim traži da se u navedenom zakonu član 151 a. briše. Zaključak sa obrazloženjem upućuje se u dalju skupštinsku proceduru. Zaključak stupa na snagu danom donošenja.

Druga tačka dnevnog reda

Obrazloženje za ovu tačku dnevnog reda dala je Sabina Heljić, ministrica Ministarstva finansija.

U diskusiji su učestvovali; Premijer Zeničko-dobojskog kantona i ministar Ministarstva za rad, socijalnu politiku i izbjeglice.

Vlada Zeničko-dobojskog kantona je jednoglasno donijela Zaključak kojim se ne prihvata Amandman I. Kluba poslanika SDA u Skupštini Zeničko-dobojskog kantona, podnesen na član 1. Prijedloga Zakona o izmjeni Zakona o pripadnosti javnih prihoda na području Zeničko-dobojskog kantona. Zaključak sa obrazloženjem u kome su sadržani razlozi zbog kojih se ne prihvata podneseni amandman, upućuje se u dalju skupštinsku proceduru. Zaključak stupa na snagu danom donošenja.

Premijer je zaključio sjednicu u 8²⁸ sati.

**POMOĆNIK
SEKRETARA VLADE**

Haris Hrgić

PREMIJER

Munib Husejnagić, dipl.ing.maš.

ZAPISNIČAR

Alma Hrnjić